

INUIT ATAQATIGIIT INATSISARTUNI



UKA2021/152

5. okt. 2021

Harald Bianco

Siunnersuut uunga: Inatsisartut inatsisaat nr. xx xx. xxx 2021-imeersoq Nuummi Qasigiannguani Aasiannilu erngup nukinganik nukissiorfissat taakkunungalu atortussat aningaasalersorneqarnissaannut ingerlanneqarnissaannullu sinaakkusersuutit.

(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

Naalackersuisut 2017-imi akuersussutigaa Nukissiuuteqarnermut Imermullu Pilersuinermit Immikkoortumut Pilersaarut, tassani siunniunneqarluni siunissaq isigalugu nukissiuutinik ataavartunik minguitsunillu natasinni pilersitsiortuinissaq. Tamatuma saniatigut ukiakkut 2019 Inatsisartut akuersissutigaa, Qasigiannugit aamma Aasiaat erngup nukinganik pilersitsinissamik, Naalackersuisut sanaartornissamik pilersaarusoqquneqarnissaat.

Naalackersuisut, nalunngisakkullu partiit tamataalluta mingutsitsinngitsumik ataavartumillu nukissiuuteqarnissaq anguniagaraarput. Tamanna nunap nukissiuutinik ataavartumik pilersorneqarnissaanik kinguneqassaaq, orsusanillu arrortikkuminaatsunik akisuunillu minnerunngitsumik mingutsitsisunik atuinermut millisaataassammat.

Minguitsumik nukissiuuteqarnissamut nunatsinni periarfissarpassuaqarpoq suli atorluarnerusinnaasat-sinnik. Pisuussuterput tamanna inuiaqatigiinnut aningaasaqarnikkut avatangiisitigullu iluaqutaasussaq Inuit Ataqatigiinniit tamakkiisumik tapersorsorparput.

INUIT ATAQATIGIIT INATSISARTUNI



Nuup illoqarfissuanngoriatuinnaranerata nassatarivaa, Utoqqarmiut Kangerluarsunnguaniit erngup nukinganik pilersorneqarnerup annertusartariaqalenera, innaallagissatigut erngullu aallaviusup annertusaqqittariaqarneratigut. Tamanna pisariaqarpoq.

Siunnerusuutigineqarpoq, Qasigiannguanut Aasiannullu erngup nukinganik nukissiorfimmik pilersit-sinissaq, sanaartornermik malitseqartussaq, kangerluup Kangersunerup qanittuani inissinneqartussamik. Tamanna siusinnerusukkut siunnerfinut taakkununggalu aalajangiisarnernut nalequppoq, suliniutigineqarnissaalu pingaaruteqarluni.

Siuliani tikitattuut, uuliap akisuup mingutsitsisullu millisarneqarnissaanut aqqutissaalluarpoq, nukissiuutit minguitsut ataavartullu annertusassallugit. Minnerunngitsumik pingaartorujussuaq taasariaqartoq tassaavoq, CO₂-p nunarsuaq tamaat isigalugu annertusiartuinnartumik ajornartor-siutaanera millisassallugu. Soorlu nunarsuarmioqatigiit naalagaaffippassuit atsioqatigiillutik tamassuma anguarneqarnissaa atsioqatigiissutiginiikuugaat.

Oqaatigineqartutuut massakkumut erngup nukinganik minguitsumik ataavartumillu nunatsinni atuinerput 70 pct-imiippoq. Maanna pilersaarutip pilersinnaratigut minguitsumik ataavartumillu nunatsinni atuinerput 90 pct.-ingussaaq. Taamma aamma isumaqarpoq, CO₂-mik aniatitsinerup 114.000 tonsit miss. 2030-mi millisitsinissaq.

Nukissiuutinik minguitsunik ataavartunillu sanaartornerup innuttaasunut assigiinngitsutigut pitsaasumik siunissaq isigalugu kinguneqassasoq qularutissaanngilaq.

Siuliani oqaatigisakka aallaavigalugit siunnersuut Inuit Ataqatigiiniit taparserparput, kiisali ataatsimiititaliamut susassaartumut ingerlateqqinnissaa innersuullugu.